

**Ծրագրի հաշվետվություն և Անկախ աուդիտորի
հավաստիացման հաշվետվություն
«ԱՌՈՂՋ ԿՅԱՆՔԻ ՈՒՂԻ» ԲԱՐԵԳՈՐԾԱԿԱՆ
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆ**

31 դեկտեմբերի 2022թ



Անկախ աուդիտորի հավաստիացման հաշվետվություն

«Առողջ կյանքի ուղի» բարեգործական ՀԿ խորհրդին,

Կարծիք

Մեր կողմից իրականացվել է «Առողջ կյանքի ուղի» բարեգործական Հասարակական Կազմակերպության (այսուհետ Կազմակերպություն) 2022թ.-ի հունվարի 1-ից դեկտեմբերի 31-ը ընդգրկող ժամանակաշրջանի «Բնակչության առողջության պահպանման և բարելավման» ծրագրերի շրջանակներում պետության կողմից ստացված միջոցների օգտագործման հաշվետվության ողջամիտ հավաստիացման աշխատանք:

Կազմակերպության ղեկավարությունը ծրագրի հաշվետվությունը կազմել է՝ հիմք ընդունելով նաև «Հասարակական կազմակերպությունների» մասին ՀՀ օրենքի և ՀՀ կառավարությանն առընթեր պետական եկամուտների կոմիտեի նախագահի 27 մայիսի 2020թ.-ի թիվ 477 -ն հրամանով հաստատված հաշվետվության ձևաչափը և լրացման կարգի պահանջները:

Մեր կարծիքով՝ կից հաշվետվությունը տալիս է 2022թ. Դեկտեմբերի 31-ի դրությամբ Ծրագրի շրջանակներում Կազմակերպության կողմից ստացված դրամական հոսքերի ճշմարիտ և իրական պատկերը, ինչպես նաև դրամական միջոցների օգտագործման, կանոնադրական նպատակներին ուղղված ծախսերը՝ համաձայն «Հասարակական կազմակերպությունների» մասին ՀՀ օրենքի և ՀՀ կառավարությանն առընթեր պետական եկամուտների կոմիտեի նախագահի 27 մայիսի 2020թ.-ի թիվ 477 -ն հրամանով հաստատված հաշվետվության ձևաչափի և լրացման կարգի պահանջների:

Կարծիքի հիմք

Մենք հավաստիացման առաջադրանքն իրականացրել ենք աուդիտի միջազգային ստանդարտներին (ԱՄՍ) և հավաստիացման առաջադրանքի միջազգային ստանդարտ (ԵԱՄՍ) 3000-ին համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ *“Աուդիտորի պատասխանատվությունը Ծրագրի ֆինանսական հաշվետվության հավաստիացման առաջադրանքի համար”* բաժնում: Մենք անկախ ենք Կազմակերպությունից՝ համաձայն Հաշվապահների միջազգային դաշնության պրոֆեսիոնալ հաշվապահների վարքագրի (ՀՄԴ-ի Վարքագիրը) և Հայաստանի Հանրապետությունում կիրառելի՝ ֆինանսական հաշվետվությունների աուդիտի նկատմամբ վարքագծի պահանջների, և մենք կատարել ենք վարքագծի նկատմամբ մեր մյուս պարտականությունները՝ այդ պահանջների համաձայն: Մենք համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:

Ղեկավարության պատասխանատվությունը ծրագրի հաշվետվությունների համար

Կազմակերպության ղեկավարությունը պատասխանատու է սույն ծրագրի հաշվետվությունները ծանոթագրություն 2-ում նկարագրված հաշվապահական հաշվառման դրամարկղային սկզբունքի, ինչպես նաև Ծրագրի Պայմանագրի համապատասխան դրույթների համաձայն կազմելու և ճշմարիտ ներկայացնելու համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել ծրագրի ֆինանսական հաշվետվություններ, որոնք զերծ են խարդախության կամ սխալի արդյունքում էական խեղաթյուրումից:



MELIKYANS & CO

Աուդիտորի պատասխանատվությունը ծրագրի հաշվետվությունների հավաստիացման աշխատանքի համար

Մեր նպատակն է ձեռք բերել ողջամիտ հավաստիացում՝ խարդախությունների կամ սխալների հետևանքով ծրագրի տարեկան հաշվետվությունների էական խեղաթյուրումներից զերծ լինելու վերաբերյալ, ինչպես նաև ներկայացնել աուդիտորի հավաստիացման եզրակացություն, որը կներառի մեր կարծիքը: Ողջամիտ հավաստիացումը բարձր աստիճանի հավաստիացում է, սակայն այն երաշխիք չի հանդիսանում, որ ԱՄՄ-ների համապատասխան իրականացված հավաստիացման աշխատանքը միշտ կհայտնաբերի էական խեղաթյուրումներ, երբ այդպիսիք կան: Խեղաթյուրումները կարող են առաջանալ խարդախության կամ սխալի հետևանքով և համարվում են էական, եթե ակնկալվում է, որ դրանք առանձին-առանձին կամ միասին վերցված կարող են ազդել այս ծրագրի հաշվետվությունների օգտագործողների՝ դրանց հիման վրա կայացրած տնտեսական որոշումների վրա:

ԱՄՄ-ների համապատասխան իրականացվող հավաստիացման աշխատանքի շրջանակներում մենք կիրառում ենք մասնագիտական դատողություն և պահպանում ենք մասնագիտական կասկածամտություն ամբողջ աշխատանքի ընթացքում: Բացի այդ, մենք.

- Բացահայտում և գնահատում ենք ծրագրի հաշվետվություններում խարդախության կամ սխալի հետևանքով էական խեղաթյուրման ռիսկերը, նախագծում և իրականացնում ենք այդ ռիսկերին ուղղված հավաստիացման առաջադրանքի ընթացակարգեր, և ձեռք ենք բերում բավականաչափ ու համապատասխան ապացույցներ՝ մեր կարծիքն արտահայտելու համար: Խարդախության արդյունք հանդիսացող էական խեղաթյուրման չբացահայտման ռիսկն ավելի մեծ է, քան սխալի հետևանքով առաջացած խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, փաստաթղթերի կեղծում, միտումնավոր բացթողումներ, կեղծ հայտարարությունների տրամադրում կամ ներքին վերահսկողության համակարգի չարաշահում:
- Պատկերացում ենք կազմում հավաստիացման աշխատանքին առնչվող ներքին վերահսկողության վերաբերյալ, որպեսզի մշակենք համապատասխան հավաստիացման ընթացակարգեր, բայց ոչ Կազմակերպության ներքին վերահսկողության արդյունավետության վերաբերյալ կարծիք արտահայտելու համար:
- Գնահատում ենք կիրառվող հաշվապահական հաշվառման քաղաքականության պատշաճությունը, ինչպես նաև ղեկավարության կատարած հաշվապահական գնահատումների և համապատասխան բացահայտումների ողջամտությունը:
- Գնահատում ենք ընդհանուր առմամբ ծրագրի հաշվետվությունների ներկայացումը, կառուցվածքը և բովանդակությունը, ներառյալ բացահայտումները և արդյոք ծրագրի տարեկան հաշվետվությունները ներկայացնում են դրանց հիմքում ընկած գործարքներն ու իրադարձությունները այն ձևով, որն ապահովում է ճշմարիտ ներկայացումը:

Այլ հարցերի հետ մեկտեղ, մենք հաղորդակցում ենք ղեկավարության հետ հավաստիացման առաջադրանքի պլանավորված շրջանակների և ժամկետների, ինչպես նաև հավաստիացման ընթացքում հայտնաբերված էական թերացումների վերաբերյալ, որոնք ներառում են աշխատանքի ընթացքում մեր կողմից բացահայտված ներքին վերահսկողության կարևոր թերությունները:

Ռոբերտ Մելիքյան

Տնօրեն-բաժնետեր

Առաջադրանքի պատասխանատու

Աուդիտոր՝



13 Մարտ 2023թ.

Կազմակերպության գործունեության բնույթը և ընդհանուր տեղեկատվություն

«Առողջ կյանքի ուղի» բարեգործական Հասարակական Կազմակերպությունը (այսուհետ՝ Կազմակերպություն) հիմնադրվել է 2009 թվականին (211.171.05015, գրանցված՝ 2009-03-20-ին, ՀՎՀՀ՝ 01244139): Կազմակերպության գործունեության հասցեն է - 0054 ՀՀ ք. Երևան, Դավիթաշեն 4-րդ թաղամաս, 41/8, իսկ իրավաբանական հասցեն՝ ՀՀ. ք. Երևան, Դավթաշեն 4թ 2Ա շենք, բն. 40:

«Առողջ կյանքի ուղի» բարեգործական Հասարակական Կազմակերպությունը ներկայացնում է «Ավագ» բժշկական կենտրոնը, որը համաձայն ՀՀ Առողջապահության Նախարարության կողմից 05/09/2018թ-ին ստացված թիվ N Կ-ԲՕ-002448 Լիցենզիայի իրականացնում է բժշկական օգնություն և սպասարկում:

2019թ-ին Բժշկական կենտրոնը ընդլայնել է ծառայությունների շրջանակը ՀՀ Առողջապահության Նախարարության կողմից 28/11/2019թ-ին ստացված ԼԻՑԵՆԶԻԱ թիվ Կ-ԲՕ-002653 հիման վրա:

Բժշկական կենտրոնի գործունեության հասցեն է՝ ՀՀ. ք. Երևան, Դավթաշեն 4թ., 41/8:

Կազմակերպության աշխատակիցների միջին թվաքանակը 2022թ. կազմել է 73 մարդ:

Կազմակերպության ծրագրի հաշվետվություն

Բժշկական կենտրոնը 2022թ.-ին ՀՀ Առողջապահության նախարարությունից ստացել է ֆինանսավորում, ըստ որի «Բնակչության առողջության պահպանման և բարելավման» ծրագրերի շրջանակներում պարտավորվում է ցուցաբերել պետության կողմից երաշխավորված անվճար և արտոնյալ պայմաններով բժշկական օգնություն և սպասարկում:

Համաձայն հաստատված 24/01/2022թ ՀՀ Առողջապահության նախարարության հետ կնքված N ԱՆ ՊԱԳ-ԾՁԲ-519 պայմանագրի Հավելված 2-ով (վերջին փոփոխություն Համաձայնագրի N 519-3, կնքված 16 դեկտեմբեր 2022) սահմանվել են հետևյալ ֆինանսավորումները՝

| Դրամ | 2022թ. |
|---|-------------------|
| 1 ՀՀ Առողջապահության նախարարություն, այդ թվում՝ | |
| • Անհետաձգելի բժշկական օգնություն | 2,204,800 |
| • Սոցիալապես անապահով և հատուկ խմբերում ընդգրկվածների բժշկական օգնություն | 11,675,990 |
| Ընդամենը՝ | 13,880,790 |

Մեր կողմից ուսումնասիրվել են ծրագրի շրջանակում 2022 թվականին կատարված մուտքերի և ելքերի/ծախսերի տրամադրված հիմնավորումները:

Մուտքեր- 12,991,000 դրամ 2022թ.-ին, 695,600 դրամ 2023թ.-ին (2022թ.-ին վերաբերող)

| Դրամ | 2022թ. |
|---|-------------------|
| 1 ՀՀ Առողջապահության նախարարություն, այդ թվում՝ | |
| • Անհետաձգելի բժշկական օգնություն | 11,344,000 |
| • Սոցիալապես անապահով և հատուկ խմբերում ընդգրկվածների բժշկական օգնություն | 2,342,600 |
| Ընդամենը՝ | 13,686,600 |

Ելքեր/Ծախսեր- 6,886,738 դրամ

| Դրամ | 2022թ. |
|--|-----------------------------------|
| 1 Աշխատավարձ, այդ թվում՝ <ul style="list-style-type: none"> • Պետպատվերի շրջանակում • Համավճարով | 3,177,044 2,431,092 745,952 |
| 2 Նյութածախս | 3,357,465 |
| 3 Կոմունալ ծախս | 352,229 |
| Ընդամենը՝ | 6,886,738 |

Բոլոր հիմքերը առկա էին և ձևակերպված էին 31 դեկտեմբեր 2022թ-ի դրությամբ:

Ծրագիրը չի ավարտվել և շարունակվելու է 2023թ-ին:

«Առողջ Կյանքի ուղի» Բարեգործական Հասարակական Կազմակերպություն

Լուսինե Օհանյան

Տնօրեն՝

Հովակիմ Բաղանյան

Գլխավոր հաշվապահ



13 Մարտ 2023թ.